

Na temelju poglavlja IV Odjeljak B. članka 7. a) (IV) Ustava Federacije Bosne i Hercegovine, donosim

**UKAZ****O PROGLAŠENJU ZAKONA O IZMJENAMA I DOPUNAMA ZAKONA O PRAVOSUDNOM ISPITU**

Proglasava se Zakon o izmjenama i dopunama Zakona o pravosudnom ispitu koji je usvojio Parlament Federacije Bosne i Hercegovine na sjednici Zastupničkog doma od 8, 9. i 29. srpnja 1998. godine i na sjednici Doma naroda od 30. srpnja 1998. godine.

Broj 01-011-554/98  
25. kolovoza 1998. godine  
Sarajevo

Predsjednik  
Federacije BiH  
prof. dr Ejup Ganić, v. r.

**ZAKON  
O IZMJENAMA I DOPUNAMA ZAKONA O PRAVOSUDNOM ISPITU****Članak 1.**

U Zakonu o pravosudnom ispitu ("Službene novine Federacije BiH", broj 2/95), u članku 2. stavak 1. mijenja se i glasi:

"Ispit mogu polagati osobe koje su kao diplomirani pravnici radile najmanje dvije godine na pravnim poslovima u sudu, tužiteljstvu, pravobraniteljstvu ili odvjetničkom uredu, kao i diplomirani pravnici koji su po ranijim propisima radili najmanje dvije godine u redovnom ili vojnem sudu, javnom ili vojnom tužiteljstvu i javnom ili vojnom pravobraniteljstvu".

**Članak 2.**

U članku 3. u četvrtom redu riječ "redovnom" briše se.

**Članak 3.**

U članku 5. u stavku 1. u drugom redu iza riječi "sadrži" dodaju se riječi "gradivo".

U stavku 2. u prvom redu iza riječi "donosi" dodaje se riječ "federalni", a riječi: "Federacije Bosne i Hercegovine" brišu se.

Iza stavka 2. dodaje se novi stavak 3. koji glasi:

"Program pravosudnog ispita objavljuje se u "Službenim novinama Federacije BiH".

**Članak 4.**

U članku 6. u stavku 5. na kraju teksta točke se briše i dodaju riječi: "ili pravnika".

**Članak 5.**

Članak 7. mijenja se i glasi:

"Administrativne poslove Komisije obavlja Federalno ministarstvo pravde (u dalnjem tekstu: Ministarstvo pravde)."

**Članak 6.**

U članku 14. u stavku 2. riječi: "odgovarajuceg predmeta" zamjenjuju se riječima: "te oblasti".

**Članak 7.**

Članak 23. briše se.

**Članak 8.**

Članak 25. mijenja se i glasi:

"Diplomirani pravnik koji je obavljao dužnost redovnog i vanrednog profesora pravnih nauka na fakultetima, suca Vrhovnog suda, saveznog i republičkog javnog tužitelja i njihovih zamjenika ili saveznog i republičkog javnog pravobranitelja, a kome je u smislu članka 27. Zakona o pravosudnom ispitu ("Službene novine Federacije BiH", broj 2/95) Ministarstvo pravde izdalo rješenje izjednačen je u pravima sa diplomiranim pravnikom koji je položio ispit do dana stupanja na snagu ovog zakona."

**Članak 9.**

U članku 26. stavak 1. mijenja se i glasi:

"Sa ispitom u smislu ovog zakona, izjednačavaju se pravosudni ispiti položeni po propisima koji su bili na snazi na teritoriji Federacije Bosne i Hercegovine do dana stupanja na snagu ovog zakona, kao i pravosudni ispiti položeni u bivšoj SFRJ do 06.04.1992. godine."

**Članak 10.****Članak 27. briše se.****Članak 11.**

Na kandidata koji je podnio prijavu za polaganje ispita do dana stupanja na snagu ovog zakona, primjenjivat će se dosadašnje odredbe Zakona o pravosudnom ispitu ("Službene novine Federacije BiH", broj 2/95).

**Članak 12.**

Ovaj zakon stupa na snagu osmog dana od dana objave u "Službenim novinama Federacije BiH".

Predsjedatelj Doma naroda Parlamenta Federacije BiH Mariofil Ljubić, v. r.	Predsjedatelj Zastupničkog doma Parlamenta Federacije BiH Enver Kreso, v. r.
---	---

**243**

Na osnovu člana IV. B. 7. ) (IV) Ustava Federacije Bosne i Hercegovine, donosim

**UKAZ****O PROGLAŠENJU ZAKONA O HUMANITARNOJ DJELATNOSTI I HUMANITARNIM ORGANIZACIJAMA**

Proglasava se Zakon o humanitarnoj djelatnosti i humanitarnim organizacijama koji je usvojio Parlament Federacije Bosne i Hercegovine na sjednici Predstavničkog doma od 8, 9. i 29. jula 1998. i na sjednici Doma naroda od 30. jula 1998. godine.

Broj 01-011-555/98 25. augusta 1998. godine Sarajevo	Predsjednik Federacije BiH prof. dr Ejup Ganić, s. r.
--	---

**ZAKON****O HUMANITARNOJ DJELATNOSTI I HUMANITARNIM ORGANIZACIJAMA****I - OSNOVNE ODREDBE****Član 1.**

Ovim se zakonom ureduju uvjeti za obavljanje humanitarne djelatnosti, uvjeti i postupak za osnivanje, djelatnost i prestanak rada humanitarnih organizacija i druga pitanja u vezi sa humanitarnom djelatnošću i rada humanitarnih organizacija.

**Član 2.**

Humanitarna djelatnost, u smislu ovog zakona, je djelatnost kojom se, u vidu novca, roba i usluga bez naknade i bez uvjeta, u pogledu teritorijalne, nacionalne, vjerske, političke i druge privladnosti, pruža humanitarna pomoć fizičkim i pravnim licima kojima je ona prijeko potrebna zbog stanja u kome se nalaze, a za koje ona nisu kriva (umanjena zdravstvena i radna sposobnost, ratno stanje, elementarne nepogode i dr.).

**Član 3.**

Radi vršenja humanitarne djelatnosti osnivaju se humanitarne organizacije. Humanitarna organizacija ima svojstvo pravnog lica.

**Član 4.**

Na osnivanje, registraciju i druga pitanja u vezi sa radom humanitarne organizacije, primjenjuje se Zakon o udruživanju građana ("Službene novine Federacije BiH", broj 6/95), ako ovim zakonom nije drugačije određeno.

**Član 5.**

Zakonima i drugim propisima Federacije Bosne i Hercegovine (u dalnjem tekstu: Federacija) i propisima kantona, u okviru ukupne ekonomske i socijalne politike i razvojnih planova, podsticat će se i stimulirati humanitarna djelatnost i rad humanitarnih organizacija, a posebno kroz finansijske i druge pogodnosti i olakšice.

## II - HUMANITARNE ORGANIZACIJE

### Član 6.

Humanitarne organizacije osnivaju se kao nevladine organizacije, a svoju djelatnost obavljaju na načelima humanosti, nepristrasnosti, nezavisnosti i dobrovoljnosti.

### Član 7.

Humanitarnu organizaciju mogu osnovati građani, njihove porodice, više građana i njihovih porodica, udruženje građana, vjerske zajednice i njihove organizacije, preduzeća i njihova udruženja i druga pravna lica (u daljem tekstu: osnivač).

Stranci koji su stalno nastanjeni ili borave u Federaciji, u skladu sa propisima o kretanju i boravku stranaca, mogu, sami ili zajedno sa građanima Federacije, osnovati humanitarnu organizaciju, u skladu sa ovim zakonom.

Humanitarnu djelatnost u Federaciji mogu obavljati humanitarne organizacije koje imaju sjedište u drugoj državi (u daljem tekstu: strane humanitarne organizacije), u skladu sa ovim zakonom.

### Član 8.

Rad humanitarne organizacije je javan.

Način ostvarivanja javnosti rada uređuje se statutom humanitarne organizacije.

### Član 9.

Humanitarna organizacija svoju djelatnost obavlja na principu neprofitabilne organizacije.

U vršenju svoje humanitarne djelatnosti, privrednih i drugih aktivnosti, humanitarna organizacija ostvarenu dobit koristi isključivo u humanitarne svrhe.

### Član 10.

U vršenju svoje djelatnosti humanitarna organizacija dužna je isticati svoj naziv i znak.

### Član 11.

Zakonom i na zakonu zasnovanoj odluci nadležnog organa općine, može se humanitarnoj organizaciji povjeriti da, u okviru svoje djelatnosti, vrši javna ovlaštenja, a naročito da:

- učestvuje u pomoći žrtvama oružanih sukoba i elementarnih nepogoda,
- saraduje sa zdravstvenim službama i civilnom zaštitom u zbrinjavanju povrijedjenih i oboljelih,
- sudjeluje u prihvatu i smještaju evakuiranog stanovništva,
- sudjeluje u organizaciji povratka raseljenih lica - prognika i izbjeglica.

### Član 12.

Radi ostvarivanja prava i dužnosti koje proizilaze iz vršenja humanitarne djelatnosti u skladu sa ovim zakonom, smatra se da humanitarnu djelatnosti, bez osnivanja humanitarne organizacije, vrši vjerska zajednica ili njena organizacija, ukoliko u svom sastavu ima organizacionu jedinicu za pružanje humanitarne pomoći.

## III - OSNIVANJE I REGISTRACIJA HUMANITARNE ORGANIZACIJE

### Član 13.

Odluku o osnivanju humanitarne organizacije donosi u pisemoj formi:

1. građanin - pojedinac, kada je on osnivač ili njegova porodica;
2. osnivačka skupština udruženih građana na kojoj prisluštuje i odluku potpisuje (najmanje 30 građana);
3. ovlašteni organ udruženja građana, ako je osnivač udruženje građana;
4. ovlašteni organ vjerske zajednice i njene organizacije, ako je osnivač vjerska zajednica ili njena organizacija;
5. ovlašteni organ preduzeća ili njihovih udruženja, ako je osnivač preduzeće ili njihovo udruženje.

### Član 14.

Odluka o osnivanju humanitarne organizacije sadrži, pored podataka propisanih Zakonom o udruživanju građana, i visinu osnivačkog uloga i način finansiranja humanitarne djelatnosti.

### Član 15.

Humanitarna organizacija ima statut.

### Član 16.

Humanitarna organizacija upisuje se u registar humanitarnih organizacija (u daljem tekstu: registar).

Danom upisa u registar humanitarna organizacija stiče svojstvo pravnog lica.

Registar vodi Federalno ministarstvo socijalne politike, raseljenih lica i izbjeglica (u daljem tekstu: Ministarstvo) ako je statutom humanitarne organizacije predviđeno da će ona djelovati na području dva ili više kantona, a ako se statutom humanitarne organizacije predviđi da će ona djelovati na području jednog kantona, registar humanitarnih organizacija vodi ministarstvo kantona nadležno za poslove humanitarne pomoći.

Federalni ministar za socijalnu politiku, raseljene osobe i izbjeglice (u daljem tekstu: ministar) propisat će obrasce i način vođenja registra.

Registar je javan.

### Član 17.

Na teritoriji Federacije ne mogu djelovati humanitarne organizacije koje nisu upisane u registar prema odredbama ovog zakona.

### Član 18.

Ministarstva iz člana 16. stav 3. ovog zakona dužna su donijeti rješenje o zahtjevu za upis u registar u roku od 15 dana od dana predaje urednog zahtjeva za upis.

Ako ministarstva iz stava 1. ovog člana utvrde da, uz zahtjev za upis u registar, nije priloženo sve što je potrebno u skladu sa zakonom odnosno ako utvrdi da statut humanitarne organizacije nije u skladu sa odredbama zakona, pozvat će podnosioca zahtjeva za registraciju da u roku od 20 dana od dana uručenja poziva otkloni utvrđene nedostatke.

Ukoliko podnosič zahtjeva za registraciju ne otkloni utvrđene nedostatke u roku iz stava 2. ovog člana, ministarstva iz stava 1. ovog člana odbacit će zahtjev za upis u registar.

### Član 19.

Humanitarne su organizacije dužne nadležnom ministarstvu podnijeti prijavu promjena statuta, naziva, sjedišta i imena i prezimena lica ovlaštenih za predstavljanje i zastupanje, u roku od 20 dana od dana izvršene promjene.

O upisu promjena iz stava 1. ovog člana u registar, donosi se rješenje.

## IV - SREDSTVA ZA RAD HUMANITARNIH ORGANIZACIJA

### Član 20.

Humanitarna organizacija sredstva za obavljanje svoje djelatnosti stiče iz:

- osnivačkog uloga,
- članarine, priloga i poklona članova,
- federalnog budžeta, budžeta kantona i općine, o čemu odluku donosi Vlada Federacije, kantona i općine, a na zahtjev humanitarne organizacije,
- donacija domaćih i stranih pravnih i fizičkih lica,
- drugih izvora.

### Član 21.

Humanitarna organizacija dužna je voditi poslovne knjige i sastavljati finansijske izvještaje; u skladu sa propisima Federacije i kantona.

## V - STRANE HUMANITARNE ORGANIZACIJE

### Član 22.

Strana humanitarna organizacija, u smislu ovog zakona, je humanitarna nevladina organizacija sa sjedištem u drugoj državi

osnovana po propisima te države, a koja obavlja humanitarnu djelatnost na teritoriji Federacije.

Kao strana humanitarna organizacija, u smislu ovog zakona, ne smatra se organizacija osnovana od Organizacije ujedinjenih naroda (UNESCO, UNICEF, UNHCR i dr.), odnosno državnih organa druge države, a koja o svojoj djelatnosti zaključuje poseban ugovor sa Vladom Federacije.

### Član 23.

Strana humanitarna organizacija, koja obavlja humanitarnu djelatnost na teritoriji Federacije, preko Ministarstva vanjskih poslova, podnosi zahtjev za obavljanje humanitarne djelatnosti prije dolaska, a najkasnije u roku od 10 dana od dana dolaska na teritoriju Federacije.

Strana humanitarna organizacija, koja obavlja humanitarnu djelatnost na području dva ili više kantona, zahtjev za obavljanje humanitarne djelatnosti i upis u registar, u roku iz stava 1. ovog člana, podnosi Ministarstvu, a ako obavlja djelatnost na području jednog kantona, zahtjev podnosi ministarstvu kantona nadležnom za poslove humanitarne pomoći.

Uz zahtjev iz st. 1. i 2. ovog člana, obavezno se prilaže slijedeće:

1. akt o osnivanju i registraciji strane humanitarne organizacije;
2. statut odnosno drugi odgovarajući akt;
3. odluka nadležnog organa o otpočinjanju humanitarne djelatnosti i otvaranju predstavništva na teritoriji Federacije;
4. program djelatnosti;
5. podaci o predstavništvu (naziv, sjedište, adresa);
6. lica ovlaštena za zastupanje i predstavljanje humanitarne organizacije.

### Član 24.

Nadležno ministarstvo, ukoliko su ispunjeni uvjeti iz zakona, vrši upis strane humanitarne organizacije u registar.

Ako se radi o humanitarnoj djelatnosti iz oblasti zdravstvene zaštite, obrazovanja, privredne ili druge djelatnosti, nadležno ministarstvo, prije upisa u registar, pribavlja mišljenje ministarstva nadležnog iz te oblasti.

Mišljenje iz stava 2. ovog člana nadležna ministarstva dužna su dostaviti Ministarstvu, odnosno nadležnom ministarstvu kantona u roku od pet dana od dana prijema zahtjeva.

### Član 25.

Rješenje o upisu u registar sadrži datum upisa i broj registra pod kojim je upis izvršen, naziv strane humanitarne organizacije, njeni sjedište, adresa predstavništva na teritoriji Federacije odnosno kantona gdje obavlja humanitarnu djelatnost, imena lica ovlaštenih za zastupanje i predstavljanje strane humanitarne organizacije odnosno predstavništva.

### Član 26.

Nadležna ministarstva, nakon upisa u registar izdaju dozvolu stranoj humanitarnoj organizaciji za realizaciju predloženog humanitarnog projekta na obrascu koji propisuje nadležno Ministarstvo.

Ako strana humanitarna organizacija svoje djelatnost obavlja na području dva ili više kantona, nadležno ministarstvo prije izdavanja dozvole, pribavlja mišljenje nadležnog ministarstva kantona, na čijem će se području predloženi projekt realizirati.

Mišljenje iz stava 2. ovog člana nadležno ministarstvo kantona dužno je dostaviti nadležnom ministarstvu u roku od osam dana od dana prijema zahtjeva.

Dozvolu iz stava 1. ovog člana nadležna ministarstva izdaju u roku od 15 dana od dana prijema zahtjeva.

### Član 27.

Strana humanitarna organizacija može otpočeti sa realizacijom humanitarnog projekta na teritoriji Federacije tek po pribavljanju dozvole iz člana 26. ovog zakona.

### Član 28.

Ovlašteni predstavnici strane humanitarne organizacije i njeno osoblje dužni su posjedovati, i na zahtjev nadležnih organa u Federaciji odnosno kantonu pokazati ličnu iskaznicu, koju izdaje nadležno ministarstvo Federacije odnosno kantona na propisanom obrascu.

### Član 29.

Strana humanitarna organizacija, u vršenju humanitarne djelatnosti, dužna je pridržavati se zakona i drugih propisa Federacije odnosno kantona, a posebno onih koji se odnose na poslovanje stranih pravnih i fizičkih lica, finansijsko poslovanje, zapošljavanje radnika, izmirenje zakonskih obaveza i drugo.

Strana humanitarna organizacija dužna je najmanje jedanput u tri mjeseca dostavljati informaciju o izvršenju plana i programa, odnosno odobrenog projekta nadležnom ministarstvu.

### Član 30.

Odredbe ovog zakona odnose se i na strane naučne i stručne organizacije koje svoju djelatnost vrše u zdravstvenoj, obrazovnoj i drugim djelatnostima, na istraživačkim i edukacionim poslovima u humanitarne svrhe.

Strane organizacije iz stava 1. ovog člana ne upisuju se u registar humanitarnih organizacija, a svoju djelatnost otpočinju po pribavljanju dozvole za obavljanje svoje djelatnosti od nadležnog ministarstva u skladu sa ovim zakonom.

## VI - PRESTANAK I ZABRANA RADA HUMANITARNE ORGANIZACIJE

### Član 31.

Humanitarna organizacija prestaje sa radom:

1. ako osnivač humanitarne organizacije donese odluku o prestanku rada humanitarne organizacije;
2. ako se utvrdi da je humanitarna organizacija prestala djelovati.

### Član 32.

Humanitarnoj će se organizaciji zabraniti rad u slijedećim slučajevima:

1. ako ne obavlja djelatnost za koju je osnovana;
2. ako djeluje suprotno odredbama statuta i ovog zakona.

Postupak za zabranu rada pokreće nadležni organ za vršenje nadzora nad zakonitošću rada humanitarne organizacije.

O zabrani rada humanitarne organizacije nadležno ministarstvo donosi rješenje.

Humanitarna organizacija čiji je rad zabranjen konačnim rješenjem nadležnog ministarstva briše se iz registra.

Na ostala pitanja u vezi sa postupkom prestanka i zabrane rada humanitarne organizacije, primjenjuju se odgovarajuće odredbe Zakona o udruživanju građana.

### Član 33.

Odluke o upisu u registar, prestanku i zabrani rada humanitarne organizacije objavljuju se u "Službenim novinama Federacije BiH" za humanitarne organizacije koje su upisane u registar Ministarstva, odnosno u službenom glasilu kantona za humanitarne organizacije koje su upisane u registar nadležnog ministarstva kantona.

Troškovi objavljivanja padaju na teret humanitarne organizacije.

## VII - NADZOR NAD ZAKONITOŠĆU RADA HUMANITARNE ORGANIZACIJE

### Član 34.

Nadzor nad zakonitošću rada i inspekcijski nadzor nad izvršavanjem ovog zakona i drugih federalnih propisa i akata u humanitarnim organizacijama koje obavljaju humanitarnu djelatnost na području dva ili više kantona, vrši Ministarstvo.

Ako se rad humanitarne organizacije obavlja na području jednog kantona, nadzor nad zakonitošću rada i inspekcijski nadzor vrši nadležno ministarstvo kantona.

## Član 35.

Federalni inspektor rješenjem će narediti humanitarnoj organizaciji otklanjanje nepravilnosti i nedostataka koje je utvrdio u vršenju inspekcijskog nadzora i odrediti rok u kojem se ove nepravilnosti i nedostaci imaju otkloniti.

Protiv rješenja federalnog inspektora može se izjaviti žalba Ministarstvu u roku od osam dana od dana prijema rješenja.

Protiv konačnog rješenja Ministarstva može se pokrenuti upravni spor.

## VIII - KAZNENE ODREDBE

## Član 36.

Novčanom kaznom od 200 do 1.000 KM kaznit će se za prekršaj humanitarna organizacija, ako:

1. humanitarnu pomoć građanima, na bilo koji način, uvjetuje njihovom teritorijalnom, nacionalnom vjerskom ili političkom pripadnošću (član 2.);
2. obavlja poslove koji nisu u skladu sa statutom humanitarne organizacije (član 15);
3. stiče sredstva na način suprotno odredbama ovog zakona (član 20.);
4. ne vodi poslovne knjige i ne sastavlja finansijske izvještaje, u skladu sa članom 21. ovog zakona;
5. ako spriječava ili ometa inspektora u vršenju inspekcijskog nadzora ili ako ne postupi po rješenju o otklanjanju utvrđenih nepravilnosti i nedostataka (čl. 34. i 35.).

Za prekršaj iz stava 1. ovog člana kaznit će novčanom kaznom od 100 do 300 KM i odgovorno lice humanitarne organizacije.

## Član 37.

Novčanom kaznom od 200 do 800 KM kaznit će se za prekršaj humanitarna organizacija, ako:

1. započne sa radom prije upisa u registar;
2. ovlašteni predstavnici strane humanitarne organizacije ne posjeduju odnosno na zahtjev nadležnih organa neće da pokažu ličnu iskaznicu (član 28.);
3. u obavljanju svoje djelatnosti se ne pridržava ovog zakona.

Za prekršaj iz stava 1. ovog člana kaznit će se novčanom kaznom od 150 do 300 KM i odgovorno lice humanitarne organizacije.

## IX - PRIJELAZNE I ZAVRŠNE ODREDBE

## Član 38.

Humanitarne organizacije, koje su osnovane i registrirane prije stupanja na snagu ovog zakona u skladu sa propisima koji su se primjenjivali na teritoriji Federacije, dužne su u roku od šest mjeseci od dana stupanja na snagu ovog zakona uskladiti statut i druga opća akta sa odredbama ovog zakona i nadležnom ministarstvu, u tom roku, dostaviti uskladen statut i opće akte.

Nadležno ministarstvo izvršit će upis humanitarne organizacije iz stava 1. ovog člana u registar, u skladu sa ovim zakonom.

## Član 39.

Podzakonski akti za provođenje ovog zakona, donijet će se u roku od 60 dana od dana stupanja na snagu ovog zakona.

## Član 40.

Na dan stupanja na snagu ovog zakona, prestaje primjena propisa o humanitarnoj djelatnosti koji su se primjenjivali na teritoriji Federacije Bosne i Hercegovine.

## Član 41.

Ovaj zakon stupa na snagu osmog dana od dana objavljivanja u "Službenim novinama Federacije BiH".

Predsjedavajući  
Doma naroda  
Parlamenta Federacije BiH

Mariofil Ljubić, s. r.

Predsjedavajući  
Predstavničkog doma  
Parlamenta Federacije BiH  
Enver Kreso, s. r.

Na temelju poglavlja IV Odjeljak B. članka 7. a) (IV) Ustava Federacije Bosne i Hercegovine, donosim

UKAZ  
O PROGLAŠENJU ZAKONA O HUMANITARNOJ DJELATNOSTI I HUMANITARNIM ORGANIZACIJAMA

Proglašava se Zakon o humanitarnoj djelatnosti i humanitarnim organizacijama koji je usvojio Parlament Federacije Bosne i Hercegovine na sjednici Zastupničkog doma od 8., 9. i 29. srpnja 1998. godine i na sjednici Doma naroda od 30. srpnja 1998. godine.

Broj 01-011-555/98  
25. kolovoza 1998. godine  
Sarajevo

Predsjednik  
Federacije BiH  
prof. dr Ejup Ganić, v. r.

ZAKON  
O HUMANITARNOJ DJELATNOSTI I HUMANITARNIM ORGANIZACIJAMA

## I - TEMELJNE ODREDBE

## Članak 1.

Ovim se zakonom uređuju uvjeti za obavljanje humanitarne djelatnosti, uvjeti i postupak za osnivanje, djelatnost i prestanak rada humanitarnih organizacija i druga pitanja u svezi humanitarne djelatnosti i rada humanitarnih organizacija.

## Članak 2.

Humanitarna je djelatnost, glede ovog zakona, djelatnost kojom se, u vidu novca, roba i usluga bez naknade i bez uvjeta, glede teritorijalne, nacionalne, vjerske, političke i druge pripadnosti, pruža humanitarna potpora fizičkim i pravnim osobama kojima je ona prijeko potrebita zbog stanja u kojem se nalaze, a za koje ona nisu kriva (umanjena zdravstvena i radna sposobnost, ratno stanje, elementarne nepogode i dr.).

## Članak 3.

Radi vršenja humanitarne djelatnosti osnivaju se humanitarne organizacije. Humanitarna organizacija ima svojstvo pravne osobe.

## Članak 4.

Na osnivanje, registraciju i druga pitanja u svezi rada humanitarne organizacije, primjenjuje se Zakon o udruživanju građana ("Službene novine Federacije BiH", broj 6/95), ako ovim zakonom nije drukčije određeno.

## Članak 5.

Zakonima i drugim propisima Federacije Bosne i Hercegovine (u dalnjem tekstu: Federacija) i propisima županija, u okviru ukupne ekonomske i socijalne politike i razvojnih planova, podsticati će se i stimulirati humanitarna djelatnost i rad humanitarnih organizacija, a posebno kroz finansijske i druge pogodnosti i olakšice.

## II - HUMANITARNE ORGANIZACIJE

## Članak 6.

Humanitarne se organizacije osnivaju kao nevladine organizacije, a svoju djelatnost obavljaju na načelima humanosti, nepričasnosti, nezavisnosti i dragovoljnosti.

## Članak 7.

Humanitarnu organizaciju mogu osnovati građani, njihove obitelji, više građana i njihovih obitelji, udruge građana, vjerske zajednice i njihove organizacije, poduzeća i njihove udruge i druge pravne osobe (u dalnjem tekstu: osnivač).

Stranci koji su stalno nastanjeni ili borave u Federaciji, sukladno propisima o kretanju i boravku stranaca, mogu, sami ili zajedno sa građanima Federacije, osnovati humanitarnu organizaciju, sukladno ovom zakonu.